

V 9
2342



Vg
2342

Ein geykündet
Eyn Sermon
auff das Euan-
gelion von dem
Keychen man
 vnd armen Lasaro.
 Luce am xvj.

Mart. Luther

Wittenberg.



Mar. Luther Den Buch

druckern/ Gnad vnd frid.

Ich bitt vmb Christus willen alle die do meyne ser-
mon schreyben oder fassen/wolltē sich der selbē zū drucken
vnd auß zū lassen enthalten / es sey denn / das sie durch
meyne hand gefertiget odder hie zū Wittenberg durch
meyn befelz zuuor gedruckt sind. Denn es tang doch gar
nichts/das man das wort Gottis so vnleyssig vnd vn-
geschickt auß lesst gehen / das wyr nur spott vnd grewel
dran haben. Ich hatte gehofft / man sollt sich hynfurt
an die heylige schrift selb geben vnd meyne bücher faren
lassen/nach dem sie nu auß gedienet/vnd die hertzen ynn
vnd zū der schrift gefuret habē / wilchs meyn vrsach war
zū schreyben meyne bücher. Was ist's: das mann viel
bücher macht/vnd doch auffer dem rechten heubt buch
ymmer bleybt: Trinck doch so mehr auß dem brun selbs/
als auß den fließlin / die dich zum brun geleyttet haben.
Wills denn iha nicht anders seyn/ so las man doch
vnter meynem namen nichts auß gehen/on meyn
wissen vnd willen ynn Gottis namen. Wollt
Gott ich hett meynere bücher das mehrer
teyl widder heym / sonderlich darynn
nen ich Bapst/Concilia/vnd der
gleychen noch viel zū ges
ben habe. Gott gebe
vns seyne gnade.
Amen.



nehiste. Daher folget den/dz er nicht sihet nach kranckē/
armen/verachten menschen/ den er nutz seyn vñ wolthun
künd vnd solt/sondern wirfft die augen auff/vñnd sihet
nur nach hohē/reychē/mechtigē/davon er selb nutz/gütt/
lust vnd ehre haben müge.

Also sehen wir nun an diesem exempel dieses reychen
mans / das vnmüglich ist/ Lieben/ wo nicht glarobe ist/
vnd vnmüglich/glaroben/da nicht liebe ist/Denn es will
vnd muß beydes bey eynander seyn. Vñnd das eyn glew-
biger yderman liebt / yderman dienet / eyn vnglewbiger
aber yderman feynd ist ym hertzen / vñ von yderman yhm
gedienet haben will / Vnd doch solch grewliche verkerete
sünd alle deckt mit eynē geringē scheyn seyner heuchlischē
werck mit dem schaffs balck / gleych wie der groß vogel
Straus. Der so töricht ist/wen er den hals mit eym reysse
deect/so meynet er/dz sein gāzer leyb bedeckt sey. Na hie
sihestu/dz keyn blinder vñ vnbarhertziger ding sey / den
vnglarobe. Den hie sind die hunde/die doch das zornich-
ste thier sind/ barmhertziger vber den armē Lasarum/den
dieser reychen man/vñ erkennen des armen nott / vñ lecken
yhm seyne schwerer / so doch der verstockte verblende
heuchler/so hart ist/dz er yhm nicht die broßamlin seyns
ruchs gonnet.

Dieser artt des reychen heuchlers / sind nu alle glarob-
losen menschen / der vnglarobe lesst sie nicht anders thun
vnd seyn/denn wie dieser reych man sie abmalet vñnd an-
zeygt mit seynem leben. Vnd sonderlich sind der art die
geystlichen/ wie wir fur augē sehen / die keyn recht arttig
gütt werck nymer thun. Sondern nur güte tage haben/
niemant dienen noch nütz sind/sondern vñ yderman yhm
dienen lassen/ Rips raps nur ynn meynen sack / eyn ander
habe was er mag. Vñnd ob ettlich nicht haben kostlich
speysse vnd kleyder/ so mangelt es doch am willen nicht.
Den folgen denn nach die reychen / fursten vñnd herren/

thun viel gütter heuchlische werck mit stifften vñ kirchen
barren / da mit sie den grossen schalck / den wolff des vn-
glawbens decken / das sie verstockt vñnd verherttet / vñnd
keynem menschen nütze werden.

Das ander teyll.

DEn armē Lasarum müssen wir auch nicht eufferlich
an sehen mit seynem geschwer / armut vñd kummer .
Denn viel menschen sind / die auch iamer vñd nott leyden
vñd doch nichts dran gewynnenn . Als der kōnig Herod
des eyn böße leyden hatte / aber da durch nichts deste bes-
ser hatte fur Gott . Denn armut vñnd leyden macht nie-
mant angenehme fur Gott / Sondern wer zuuor angenehme
ist / des armut vñ leyden ist fur Gott kostlich / wie ps. 115.
sagt . Der todt seynes heyligen ist kostlich fur dem herrn .
Also müssen wir auch Lasarum yns hertz sehen / vñd den
schatz suchen / der seyne schweren so kostlich gemacht hat .
Das ist aber seyn glawbe vñnd liebe gewißlich gewesen .
Denn on glawben kan man Gott nicht gefallen Ebre . 11 .
Darumb muß seyn hertz also gestanden seyn / das er auch
mitten ynn solchem armut vñnd elend / sich zu Gott alles
gütten versehen vñd trostlich sich auff yhn verlassen hat /
an wilcher gütte vñnd gnade er yhm hatt so reychlichen
lassen benügen / vñd solch eyn gefallen dran gehabt / das
er hertzlich gerne noch mehr iamers hette gelieten / wenn
der wille seyns gnedigen Gottis das gewollt hette . Sihe /
das ist eyn rechter lebendiger glawbe / der yhm durch er-
kenntnis gotlicher gütte seyn hertz erweycht hatt / das yhm
nichts zu schwer / noch zu viel gewesen were zu leyden vñ
zu thun . Eyn solch geschickt hertz macht der glawbe /
wenn er Gottis gnaden fület .

Darauf folget nu die ander tugent / nemlich / die liebe
zum nehisten / das er auch willig vñd bereytt gewesen ist
yderman

yderman zu dienen. Aber weyl er arm vnd elend ist/hatt
er nichts/da mit er dienen kund. Darumb wirt seyn güt-
ter will fur die thatt gerechnet. Aber diesen mangel leyp-
liches diensts/erstattet er gar reychlich / durch eyn geyst-
lichen dienst. Denn izund nach seym todt/dienet er der
gantzen welt mit seynen schwerē/hunger vñ elend. Seyn
leyplicher hunger speyset vnsern geystlichē hunger / seyne
leypliche bloßheyt speyset vnser geystliche bloßheyt/sey-
ne leypliche schweren / heylen vnser geystliche schweren/
da mit/das er vns mit seynem exempel leret vñd tröstet/
wie Gott eyn gefallen an vns habe / wens vns vbel gehet
auff erden/so wyr gleroben / Vnd vns warnet/wie Gott
eyn zorn habe vber vns / wens vns wol gehet ym vnglar-
ben/gleich wie Gott an yhm ynn seynem elend gefallen
vnd am reychen man eyn misfallen gehabt hatt.

Sage myr/wilcher König vermöchte mitt alle seynem
gütte / aller welt eyn solchen dienst thun / als diser arme
Lasarus mit seynen schwerē/hunger vñ armut than hatt?
O der wunderbarlichen werck vñd vrteyl Gottis / wie
schendet er so meysterlich die klüge nerrynn die vernunfft
vnd weltliche weyßheyt. Sie gehet daher vñd sihet lie-
ber die schöne purpur des reychen mans / denn die wun-
den des armen Lasars / sie sihet lieber eyn gesund schon
mensch / vñd stopfft yhr nasen zu fur dem stanck seyner
wunden/vnd wendet die augen von seyner bloße/ynn des
lesse sie Gott gehen die grosse nerrynn fur solchem edlen
schatz vber/ vnd vrteylt ymmer fur sich ynn der stille seyn
vrteyl/vnd macht die weyle den armen mensche so theur
vnd kostlich/ das darnach alle Könige nicht würdig sind/
yhm zu dienen vñ seyne schwerē zu wisschen. Den wilcher
König (meynstu) würde izund nicht auß gangem hertzen
seyn gesundheyt/purpur vñ krone fur die schweren/armut
vñ elend diß Lasars/gern gebē / wens yhm werdē möcht?

B

Vnd wilcher mensch ist/ der irzt auch eyn dreck gebä wolt
für die purpur vnd ganzen reychtum dieses reychen?

Meynstu nicht/ das dieser reycher selbs / wenn er nicht
so blind gewesen were/ vnd gewisst hette/ das solch eyn
schatz / so eyn theurer man für Gottis augen / für seyner
thür lege/ er were hynausß gelauffen/ hett yhm seyne schwe
ren gewisshet vnd geküßet/ ynn seyn bestes bett gelegt?
alle seyn purpur vñ reychtum hett yhm must dienen. Aber
zü der zeytt/ da Gottis vrteyl gieng/ sahe ers nicht/ da ers
thun kund/ Da dacht Gott / Wolan/ du sollt auch nicht
werd seyn/ das du yhm dienest. Sarnach nu das gericht
vnd werck Gottis auß ist/ sihet sich die klüge nerryn vmb
vnd nu er ynn der helle leydet/ gebe er gern hauß vñ hoff/
dem er zuuor nicht eyn bissen brots geben wollt/ Vnd bes
gerd nu/ das yhm Lasarus mit dem eusserstē teyl des fing
ers seyn zungen küle/ den er zuuor nicht anrüren wollt.

Sihe solchs vrteyls vnd wercks macht Got noch teg
lich die welt voll / vnd niemant sihet es/ vnd yderman
verachtet es. Da sind für vnßern augen/ arme vnd dürfft
tige/ die Gott als den gröstē schatz vns für legt/ aber wyr
thun die augen zü gegen sie/ vnd sehen nicht/ was Got da
macht/ hyn den nach/ wenn Gott nu außgemacht hatt / vñ
wyr den schatz verseumet haben/ so komet wyr denn/ vnd
wollen dienen/ so ist's zü lange geharret. Szo fahen wyr
denn an/ vñ machen heyligthum auß yhren kleydern / vnd
schuchen/ vnd gefessen / vnd richtē walfartten an/ bawen
Kirchen auff yhre greber/ vnd haben viel zü schaffen mitt
dem narren werck/ spotten vnser selbs/ das wyr die lebens
digen heyligē mit füßen tretten / vnd verderben habē las
sen/ vnd nu yhre kleyder / da es nicht nott noch nüt ist/
ehren/ das vns freylich vnser herr/ das vrteyl fallen wirte
Matt: .23. Weh auch schrifft gelerten/ yhr heuchler/ die
yhr bawet der propheten greber vnd schmückt sie / Lwr

Veter habē sie tödtet/so bawet yhr yhre greber/so bekenn
net yhr selbs/das yhr kinder seyt / dere/ die die propheten
tödtet haben/denn sie haben sie tödtet/so bawet yhr yhre
greber.

Difer artt des armen Lasars sind alle glewbigen/ vñ
sind alle samptrechte Lasari / Den sie sind gleyches glaw
bens/synnes vñnd willens/wie difer Lasarus. Vnd wer
nicht eyn Lasarus seyn wirtt/der wirtt gewißlich mit dem
reychen schwelger ynn der hellen glüt seyn teyl habē. Den
wyr müssen alle/wie Lasarus/mitt rechtem glawben auff
Gott trawen / yhm vns ergeben /nach alle seynem willen
mit vns zū handeln/vnd bereytt seyn yderman zū dienen/
Vnd ob wyr nicht alle solche schweren and armut leyde /
so muß doch der selb will vnd meynung ynn vns seyn/die
ynn Lasaro waren/solchs gerne anzunehmen/wo es Got
wollt. Denn solch armut des geysts / kan wol yñ grossen
gütern stehen/Wie Job/David/Abraham arm vñ reych
gewesen sind. Denn David spricht ps :38. Ich byn eyn
gast vnd frembding fur dyr/wie alle meyne Vetter. Wie
gieng das zū/so er doch eyn könig war vnd groß land vñ
stedt hatte? Aber er hieng nicht dran mitt dem hertzen/
vñnd war yhm eben als nichts / fur dem gütt fur Gott.
Also hett er auch von seyner gesundheyt gesagt/das yhm
eben so viel als nichts were gegē der gesundheyt fur Got/
vnd hett wol möcht leyden auch eufferliche schweren vnd
francfheyt.

Also auch Abraham / ob er woll solch armutt vñnd
francfheyt nicht hatte/wie Lasarus/hatte er doch eben
den synn vñnd willen/die selben von Gott anzunehmen/
den Lasarus hatte / wenn sie yhm Gott hett zū gefügt /
Denn die heyligen sollen eynerley synn vñnd mütt haben
yinnerlich / aber kunden nicht eynerley werck vñnd leyden
haben eufferlich. Darumb erkennet auch Abraham disen
Lasarum fur den seynen / vñ nympt yhn yñ seynen schoß

wilchs er nicht thett / wenn er nicht gleych synnes were vñ
gefallen hette an Lasarus armut vñ kranckeytt. Das sey
gesagt von der summa vnd meynung des Euangeli / das
wyr sehen / wie allenthalb der glawb selig macht vnd der
vnglawbe verdammet.

Das dritte teyl.

Nun bringt diß Euangelion ettlich fragen mit sich /
Die erst / Was der schoß Abraham sey / Syntemal
es nicht eyn leylich schoß seyn kan. Hirauff zu antwort
ten / ist zu wissen / das des menschen seele odder geyst keyn
ruge odder stadt hatt / da er müge bleyben / denn das wort
Gottis / biß das er am iungsten tag zur hellen beschaw
ung Gottis kome. Darumb hallten wyr den schoß Abra
he nichts anders / den das wort Gottis / da yhm Gen .22.
Christus verheysen wart / nemlich / Durch deynen samen
sollen alle volcker gesegnet werden / Vnn diesen wortten ist
Christus yhm zugesagt / alls durch den yderman / geseg
net (das ist) von sund vnd todt vnd helle erlöset werden
sollt / vnd sonst durch niemandt / noch durch keyn werck /
Alle die nu an disen spruch glewbt haben / die haben an
Christum glewbt / vnd sind rechte Christen gewesen / vnd
sind also durch den glawbē / an diß wort / von sundē todt
vnd helle erlöset.

Also sind alle Vetter fur Christus gepurt yñ den schoß
Abrahe gefaren / dz ist / sie sind am sterbē mit festem glaw
ben an diesem spruch Gottis blieben / vnd ynn das selbige
wortt entschlaffen / gefasset vnn bewaret / als ynn eynem
schoß / vnd schlaffen auch noch drynnen / biß an den iung
sten tag / außgenommen die / so mit Christo sind schon auff
erstanden / wie Mattheus schreybt am 26. Capitel / wo sie
also blieben sind / gleych wie auch wyr / wenn wyr sterben /
vns erwegen vnd ergeben müssen / mitt starckem glawben

yñ das wortt Christi/da er sagt. Wer an mich glewbt/
der wirt nymer sterben/oder des gleychen/vñ also drauff
sterben/entschlaffen vnd yñ Christus schoß gefasset vnd
bewart werden/biß an den iungsten tag. Den es ist eben
dasselb wort/dz zñ Abraham vñ zñ vns gesagt ist/alle bey
de sagē sie vñ Christo/dz durch den wyr müssen selig wer
den/ihenis aber heysst Abrahams schoß/darumb/das zñ
Abraham am ersten gesagt war vnd an yhm anfieng.

Also widderumb kan die helle an diesem ort nicht sein
die rechte helle/die am iungsten tage angehen wirtt/Den
des reychen leychnam ist on zweyffel nicht yñ die helle/
sondern yñ die erden begraben. Es muß aber eyn ortt
seyn/da die seele seyn kan vñnd keyne ruge hatt/der selbe
kan nicht leylich seyn. Darumb achten wyr/diese helle
sey das böse gewissen/das on glawbe vnd Gottis wortt
ist/yñ wilchem die seele vergraben ist vñnd verfasset/biß
an iungsten tag/da der mensch mit leyb vnd seele yñ die
rechte leyliche helle verstoffen wirtt. Denn gleych wie
Abrahams schoß/Gottis wortt ist/darynnen die glawbi
gen durch den glawben rugen/schlaffen/vñ bewaret wer
den/biß an den iungsten tag. Also muß yhe widderumb
die helle seyn/da Gottis wortt nicht ist/darynnen die vn
glawbigen durch den vnglawben verstoffen sind/biß an
iungsten tag/Das kan nicht anders/denn eyn leer/vn
glawbig/sundig/böse/gewissen seyn.

Die ander frage/Wie gehet denn das gesprech zñ mit
Abraham vnd dem reychen man. Antwort. Es kan yhe
keyn leylich gesprech seyn/sytemal yhr beyder leyb yñ
der erden begraben ligen/also wenig/alse auch eyn ley
lich zungen ist/die der reycher klagt yñ der hitze. Auch
kein leylicher finger od wasser/des er vñ Lasaro begerd.
Darumb muß solchs alles ym gewissen zñ gehen auff die

B ij

Ach das
Ich den
Leibes fer
ter heüte
noch verla
ßen müß.

Requis in Jan

1600

weyße. Wenn das gewissen ym sterben oder sterbens nöten eroffent wirtt/ so wirtt es gewar seyns vnglawbens/ vnd sihet denn allererst den schoß Abraham vnd die dryn nen sind/ (das ist) das wort Gottis/ daran es solt glewbt haben vnd/ hats nicht than/ dauon es denn die aller grössist peyn vnd angst/ wie ynn der hellen/ hatt/ vnnnd findet keyn hülffe noch trost/ Da heben sich den solche gedanckē ym gewissen / die solch gesprech hiellten / wenn sie reden kundten/ wie diser reychē mit Abraham hellt/ vnnnd sucht denn/ ob yhm das wortt Gottis vnd alle die dran glewbt habē/ helffen wollē/ so engstlich/ das es auch den aller geringsten trost / von dem aller geringsten annehme/ vñ kan yhm nicht werden/ Denn Abraham antwortt yhm (das ist) seyn gewissen nympt eyn solchen verstandt von dem wortt Gottis/ das nicht seyn kan/ sondern habe seyn teyl an seynem leben dauon bracht/ vnd müsse nu leyden/ aber die andern getröstet werden / die er verachtet hat.

Zu letzt fület er das yhm gesagt wirtt/ es sey eyn grosse klufft zwiffchen yhn vnd den glewbigen gemacht/ das sie nymmer kunden zu samen komen. Das sind die gedancken der verzweyfflung/ wen das gewissen fület/ dz yhm ewiglich das wort Gottis entsaget vnd yhm nymmer zu helffen sey. Darnach ringen die gedancken seyns gewissens/ vnd wolten gern/ das solchs die lebendigen wüßten/ das also zu gienge yñ sterbens nöten/ vñ begerd / das yhn ymande sage/ Aber da wirtt auch nicht auß/ denn er fület eyn antwortt ynn seyn gewissen/ das gnüg sey an Mose vñ propheten / den sollen sie glewben/ wie er auch solt than haben. Solchs handelt sich alles zwiffchen eym verdampften gewissen vnd Gottis wortt yñ der sund des tods oder tods nöten / Vnnnd kan keyn lebendiger ynnen werden / wie es gehet/ denn der es erferet/ Vnd der es erferet/ wolt/ das sie es wüßten/ aber es ist vmb sonst.

Die dritte frage. Wenn solchs geschehen sey / vmb
ob der reychen man noch teglich on vnterlaß solchs leyde /
biß an den iungsten tag / Das ist eyn subtile frage vnd
nicht leychtlich zuuerantwortē fur den vnerfarnen. Denn
hie muß man die zeytt auß dem synn thun / vnd wissen /
das ynn yhener welle nicht zeytt noch stund sind / son-
dern alles eyn ewiger augenblick / wie Sanct Petrus am
zweyten Pet: am zweyten sagt. Darumb acht ich / das
ynn dießem reychen man angezeygt sey / wie es allen vns
glaubigen gehen wirt / wenn yhr augen ym sterben / oder
sterbens nōtten auffthan werden / Wilchs geschehen kan
eyn augenblick lang vnd darnach widder auff hören /
biß an iungsten tag / wie das Gott gefellet / denn keyn
gewiß regel hyrauff gestellet werden mag. Daher ich
nicht sagen thar / das der reychen man noch izt also leya-
de / wie er dazu mal gelieden hatt / auch nicht leucken /
das er noch so leyde / denn es stehet ynn Gottis willkor
beyderley. Vnd vns gnüg ist / das vns anzeygt ist eyn
exempel vnd anfang des leydens aller vnglaubigen.

Die vierde frage / Ob man auch für die todten bitten
solle / weyl hie keyn mittel standt angezeygt wirt ym
Euangelio / zwiffchen dem schoß Abrahe vnd der Helle
len / vnd die ynn Abraham schoß des nicht bedürffen /
vñ denen / die yñ der Helle sind / nit nützet. Antwort. *Oratio d.*
Wyr Haben keyn gepot von Got fur die todten zu bitten / Das
rumb niemant dran sundigen kan der nicht fur sie bittet.
Denn was Gott nicht gepotten hatt oder verpotten hat /
daran kan sich niemant versundigen. Soch widder-
umb / weyl Gott vns nicht hatt lassen wissen / wie es vmb
die seelen stett / vnd wyr vngewiß seyn müssen / wie ers
mitt yhn mache / wollen vnd kunden wyr denen nicht
weren / noch zu sunden machen / die da fur sie bitten.

Senn wyr yhe auß dem Euangelio gewiß sind / das viel
todten aufferweckt sind / wilche wyr bekennē müssen / das
sie yhr endlich vrteyl nicht empfangen gehabt habē. Also
mügen wyr auch noch nicht von yrgent eynem andern ge
wiß seyn / das er seyn endlich vrteyl habe .

Sie weyl nu solchs vngewiß ist / vnd nicht wissen / ob
die seel verurteylet sey / ists nitt sund / dz du fur sie bittest /
aber auff die weyße / das du es vngewiß lassst bleyben vñ
sprechest also. Lieber Gott / ist die seele ynn dem stand /
das yhr noch zu helffen ist / So bitt ich / wolltist yhr gnes
dig seyn. Vnd wen du das eyn mal oder zwoy than hast /
so laß es gütt seyn / vnd besilh sie Gott / Senn Gott hatt
verheyssen / er will vns hören / was wyr bitten. Darumb
wenn du eyn mal odder drey gepeten hast / soltu glawben
das du erhöret seyst / vnd nymer bitten / auff das du Gott
nicht versuchist odder miß trawist.

Aber das man ewige messz / vigilien vnd gepett drauff
stiffret / vñ alle iar plerret / als hets Got fur dem iar nicht
erhöret / das ist der teuffel vñnd der todt / da wirtt Gott
verspottet / mit vnglawben / vñ ist solch gepett eyn lautter
kesterung Gottis / Darumb hütt dich da fur vnd gehe des
abe / Gott fragt nicht nach ierlichen stiftungen / sondern
nach eym hertzlichen / andechtigem / glerobigem gepett /
das selb wirtt den seelen helffen / soll yhn ettwas helffen .
Vigilien vnd Messz helffen wol der paffen / münchen vñ
nonnen beuchen / Aber den seelen ist nichts da mit geholfs
fen / vnd Gott nur da mit geschendet.

Hastu aber ynn deynem hauffe eyn rumpel geyst odder
pollter geyst / der da fur gibt / man soll yhm mitt messen
helffenn / den solten gewißlich fur eyn teuffel halten . Es
ist noch nie keyne seel vñ anfang der welt erschynen / Got
wills auch nicht haben. Senn hie sibestu ym Euangelio /
das Abraham dem reychen nicht gestatten will / das eyn
todter die lebendigen lere / sondern weyset sie auff Gottis
wortt yñ

vigilien
Tricesiman
summa
sax

wort ynn der schrift vnd spricht. Sie haben Mosen vnd
die propheten. Las sie die selbē hören. Da mit sihet Abra-
ham auff das gepott Gottis Deutro: .18. vnnnd erynnert
vns desselben / da Gott spricht. Du sollt nicht von den
toten forschen. Darūb ist gewiß eytel teuffels gespenst/
das sich etlich geyster lassen beschweren / vnd bitten vmb
so viel vnd so viel messen / solch vnd solch walfart odder
ander werck / vñ erscheynen darnach mit klarheyt / geben
fur / sie sind erlöset. Samit schafft der teuffel den yrthum /
das die leutt vom glauben auff die werck fallen / vñ meyn-
nen / die werck vermügen solch groß ding / vnd wirtt also
erfallt / das .S. Paulus verkündigt hatt .2. Thessa: .2.
Das Gott krefftige yrthum vber die vnglewbigē sendet.

Darumb sey klüg / vnd wisse / das Got will vns niches
wissen lassen / wie es mit den toten zū gehe / auff das der
glaube raum behalte durch Gotis wort / der da glewbt /
das Gott nach diesem leben / die glewbigen selig macht /
die vnglewbigen verdammet. Wenn dyr nu eyn pollter
geyst fur kompt / so achte seyn nicht / vñ sey gewiß / das der
teuffel ist / vnnnd stoffz yhn mitt dießem spruch Abraham.
Sie haben Mosen vnd die propheten. Item mit dem ge-
pott Gottis Deutro: .18. Du sollt nichts von den toten
forschen. So wirt er sich bald drollē. drollet er sich nicht /
so laß yhn polltern / bis ers müde wirtt / vnnnd leyde vmb
Gottis willen ynn festem glauben seynen müttwillen.

Vnd obs möglich were / das gleich eyn seele oder güts
ter geyst were / so soltu doch nichts von yhm lernen noch
fragen / weyl es Gott verpotten hatt / Denn darumb hatt
er seynen Son selbs gesand / dz er vns alles leret / was vns
zū wissen nott ist / Was vns der selb nicht geleret hatt /
das sollen wyr gern nicht wissen wollen / vñ vns benügen

C

QX 2342

lassen an der heyligen Apostel lere / durch die er vns prediget hatt. So ch dauon hab ich weytter geschrieben yn der postillen am blatt fff 2 vnd 3 vnd ym büchlin vō der Messzen / da magstu mehr danon lesen.

Also dz wyr auch ein exēpel sage / lese wyr yn der Historia tripertita vō eynem Bischoff d gen Corinthon kam / da er zū Cōcilio zoch / vñ als er nitt sūglich herberg fand / fur sich vnd seyn gesind / sahe er eyn wust hauß stehen ver schlossen / vnd fragt / ob man da selbes nicht kund herberg gen / da wart yhm geantworttet / es were so vngheure drynnen / das niemant drynnen wonen kund / vñd weren viel mal die leutt des morgens todt drynnen funden / da machte er nicht viel wortt / vnd hieß stracks eynziehen / vñ lag die nacht drynnen / Denn er sahe wol / das teuffels gespenst war / vñd hatte eyn festen glawben / das Christus des teuffels herr were / darumb veracht er yhn / vñd zoch zū yhm eyn / Da wart das hauß durch seyn beten vnd herbergern frey / das hynfurt keyn rumpelln noch vngheure drynnen gehört wartt. Sihe / da sihestu / das es teuffel sind / die rumpel geyster. Vnd das nicht viel mitt yhn zū disputirn ist / sondern mit frölichem glawben soll man sie verachten / als weren sie nichts.

Item also lieſet man von dem Bischoff Gregorio Cappodocie / das er vber das welsche gepirge zoch / vñd herberget bey eym heydnischen kirchner / der hatte eyn abgott / der antworttet yhm / was er fraget / vnd neeret sich des selben handells / das er den leutten heymlich dinge sagget / dauon wistte nu der Bischoff nichts / vnd zoch morgens seyne strassze. Aber der teuffel kundte des heyligen mans gebett vnd gegen wertickeytt nicht leyden vñ floch auß dem hausse / dz der kirchner hynfurt nicht mehr kundt weyssagen / wie vorhynn / Da er nu seynem abgott rieß vñ

3 Blätter fehlen

M.C.



s prez
en yñ
ō der


histos
am/
and/
a verz
rbers
neure
beren
/ da
n/vñ
s ges
istus
zoch
herz
ewre
uffel
on zu
n sie

orio
mnd
abs
sich
e sas
nors
igen
loch
ndt
f vñ

(X2205404)







B.I.G.

Farbkarte #13

OK. 200.

V_g
2342



Ein geyhe
Eyn Sermon
auff das Euan-
gelion von dem
Keychen man
vnd armen Lasaro.
Luce am xvj.

Mart. Luther

Wittenberg.

1533